

KANTIK  
D'AN  
ITRON-VARIA-C'HRAS

Parrez Pluguën

*Diskan.*

Ni ho salud, o leun a c'hras,  
Ar zantela 'zo bet biskoas :  
Ni ho salud, gant levenez,  
O Guerc'hez, leun a vadelez.  
Ave Maria,  
Gratiâ plena.



1.  
Patronez dous e peb amzer,  
Mam truezuz en hor c'henver,  
Varn'omp bemdez, euz an envou,  
C'hui a skuill eur mor a c'hrasou.

2.  
Nag a vech o peuz c'hui miret  
Ouzomp-ni da veza trec'het  
Gant an diaoul, pa zeu d'hon tenti !...  
Trugarez d'eoc'h, Guerc'hez Vari !

3.  
Nag a vech, dre ho pedennou,  
En deuz Doue var hor meziou  
Digasset glañ hag amzer gaer,  
Ha skuillet madou var bep ker !

4.  
Ni dreist-oll, tud a Bluguën,  
D'ho chapel gaer a ia laouen ;  
Rag eno vezomp selaouet,  
Ha nikun na vez dilezet.

5.  
Diouallit bepred ar bugel,  
'Zo moredet en he gavel,  
Ha grit ma vo, eun deiz, savet  
Evel ho mab e Nazareth.

6.

Ni hon euz, dre ho madelez,  
Skoliou kristen en hor parrez ;  
Dalc'homp dez'ho, kerent kristen,  
Ha bezomp fidel d'ho zouten.

7.

Diouallit mad, e peb amzer,  
An dud iaouank, o Mam dèner,  
Ha d'ar zoudardet en arme,  
Kendalc'hit bepred eur feiz kre.

8.

D'ar priedou roit karantez,  
Lakit urz vad en ho ziez,  
Grit ma savint ho bugale,  
E gras hag e-doujans Doue.

9.

D'an den koz goulennit daelou  
Da vouëla c'hoaz he bec'hejou ;  
Ha grit na vezo ket galvet  
Dirak Doue, en he bec'het.

10.

Diouallit an Iliz santel,  
Diouallit ive Breiz-Izel ;  
Diouallit hor bro gaër a Frans,  
O Guerc'hez dous, hon esperans !

11.

Dre anaoudegez, var ho penn,  
Ni n'euz lakeat eur gurunen :  
Grit ma vimp ive kurunet,  
Eun deiz, e palez an Dreindet.

12.

Eno, o Guerc'hez, leun a c'hras,  
Gant an elez ni gano c'hoas :  
Gloar, meuleudi da Vam Doue,  
Epad an oll eternite !

IMPRIMATUR :

Quimper, le 21<sup>e</sup> Septembre 1898,

E. FLEITER, vic. gén.

Pardon bras Itron-Varia-C'hras a vez great, en he  
chapel, e parrez Pluguën, d'an 8 a viz Guengolo.

Kemper, Moulerez, 7, ru an Dudchentil,

